

# AD QVODLIBETARIAM

485

QVÆSTIO MEDICA MATVTINIS CONCERTATIONIBVS DISCVTIENDA  
IN SCHOLIS MEDICORVM DIE MARTIS. XXII. APRILIS PRÆSIDE MAGISTRO PETRO  
Seguin Regis consiliario-medico,eiusdemque professore.

*An fractis ferra suturis?*

**C**EREBRVM frigidi metropolis, sensus motusque exors, principum facultatum locis disclusarum regia, duplici meninge reliquarum membranarum parente, sensus exquisiti compote, integitur: caluariâ interiore parte concavâ, extinsecus gibbâ, vtrinque læui, vbiq; præterquàm in temporibus duplici, multis & naturæ dissimilis ossibus arctiore suturarum nexu confociatis, constante, protegitur: quo simul ab internis & externis iniurijs caput totius ædificij humani velut infumibulum tutius redderetur.

**S**Æ P E teter vapor aut fumus acrior exitu prohibitus, cerebri meatus obstruens epilepsiam profert, pæoniâ & visco querno curandam; in membranas insiliens acerbos doloris cephalici cruciatus excitat, tempestiuo laudani *εὐφροδίου λογισμῶν* vsu, magno ægri & medici solatio mitigandos: at lapsus & rerum extrinsecus in caput irruentium impetus varia trômatis, interdum sine traumate, genera inferunt, pueris magis quàm senioribus suspecta, & sanationi rebellia.

**C**APITIS trômata alijs dissimili longè curatione reguntur, vulnus (ni circa frontem fuerit) nullo liquore, ne vino quidem, irrigandum, nec cerato, cataplasmate aut linamentis curandum, nec fascijs comprimendum: fractura ipsa nullam extensionem admittit: ossa nec restituenda, nec deliganda, quin potius modiolò prædictorum defectum supplente intra triduum apprimendo, & contusioni (cuius nulla rima expers) necessario, auellenda: interdum in so vulnerationis articulo ferro vtendum, vt frustula meninges, vel etiam cerebrum in engisomate comprimentia, in cepiesmate pungentia, eliminantur, alioqui doloris vi, inflammationis, conuulsionis, aliorumq; symptomatum (morbo contraria non raro indicantium) metus.

**R**ACTAM caluariam terebrare citò decet, non semper & vbiq; tutò licet, deiectis viribus nefas, non autem lunâ toto orbe illustratâ. Puerileinciput serræ appressionem haud patitur, in quibusvis ætatibus, temporibus nec futuris impunè imponetur: temporû alterutrius ad os vsque necessaria terebrationi sectio, hæmorrhagiæ, spasmi, inflammationis, delirij, resolutionis, & soporis periculum creat, nedùm iniussam partis oppositæ collectionem contractionemque, musculis non tantum *ἰδελεφιστέροις* sed & *ἀντιπρωγμοίοις* communem.

**V**T difficillima est fissuræ circa futuras, cùm sint *ῥασιμαίειες*, dignotio, sensum & iudicium medici vel peritissimi fallentes: Sie temeraria est & funesta eiusdem alioqui non insanabilis, per modiolum ipsis appressum curatio, propter inflammationem & cerebri concussionem, vnde non rarò concidunt apoplectici qui ea parte secantur. Terebræ circumactu venæ, arteriæ, & fibræ nervosæ quibus interna externis communicant, & crassa meninx cranio atque pericranio appensa est, dilacerantur, hinc & doloris incrementum & fluentis in meningem sanguinis impetus, & eiusdem meningis in cerebrum aliquando prolapsus, indèq; mortifera pulsationis arteriarum cerebri interceptio, ne tamen saucius curationis capax inereat, vicinæ partes vtrinque foeliciter perforantur.

*Non igitur fractis ferra est adhibenda suturis.*



Afferebat Lutetiæ NICOLAVS ROVSSEAV, Trëcensis A. R. H. 1614.

DOMINI DOCTORES DISPVATVRI.

M. Iacobus Perreau.  
M. Guillelmus Gerbault.  
M. Carolus Bouuarr.

M. Claudius Charles, P. R.  
M. Quirinus le Vignon.  
M. Dyonisius Guerin.

M. Iacobus Latus.  
M. Ioannes Riolt P. R.  
M. Michaël Tourain.